

dissime ponebant ante oculos. Singula videbis proximo anno v. D. in Systemate Naturæ proposita cum Tuo nomine adposito ac si ea ipse edidisses in publicum.

Carabum ab. Ttua 13 ante accepi e Cap. b. spei.

Curculiones Tui f. 5 & 6; ut dubius hæream num vere differant a meo Curculione anchorago 48.

Tuæ amicitiaë debeo unica Insecta pulcherrima Spengleriana et Conchas istas rarissimas.

Vtinam scirem qua ratione possem Tibi gratissimum reddere officium, qui me cumulasti tot tamque splendidis beneficiis.

Accepi nuper stupendam collectionem plantarum, non tantum ex Capite bonæ spei sed et e Iava ac Japonia, quæ me mancipabunt per aliquot menses, antequam potero omnes extricare.

Prævideo quod in Te obtinebit Dania brevi lumen fulgentissimum. Fausta anni ingruentis auspicia Tibi exopto. Vale.

Dabam Upsaliæ 1764 d. 20 Decembris.

Me doceas oro quid sperandum sit de Forskåhleanis mss et collectionibus, num accessere in Daniam? num brevi publicentur? utinam non diu laterent et exponerentur ulterius invidis fatiis.

Cantharidem lucidam antea habeo; ut et Gryllum istum ex Africa, licet majorem.

Formica omnivora etiam hic nuper observata et copiosissima; sub initium Augusti examina instituit nebulæ instar per aera volitantia, solemque sæpe occultantia, e quibus depluunt binæ binæque junctæ, miro spectaculo. Vale.

a Monsieur Mons^r Mart. Trane Brünniche
frij br. Kopenhavn